

1231 bem venit, Ardizonio cum navibus, quæ ad hos casus in portu paratæ erant, misso, qui venienti hosti sese, si e Republica id factum viderentur, objiceret. Interim Vatazani Sudæ portum tenuerunt. Eo Venetæ triremes subito delatæ, hostem jam portum tenentem, tumultuose invadunt. Expediunt continuo sese Græci ad pugnam; quod ipsum quia præ loci angustia non satis commode fiebat, tormentis bellicis, omnique telorum genere procul arcent inimicam classem. Proximi accolæ, qui sub primum tumultum præsto suis affuere, rem Græcam non mediocriter juverunt; toto namque littore oppidani, & reliqua agrestium manus, aderant, Venetum missilibus incessentes. Protracta erat in meridiem pugna, quum Ardizonius legatus graviter vulneratus cani jussit receptui. Erat in animo Venetis, postridie in pugnam redire: quod Græci veriti, silentio noctis portu egressi in altum abiere. Dum hæc a legatis geruntur, Angelus Gradonicus Dux in insulam applicuit. Hujus auspiciis Subrites in fidem his conditionibus redire, ut vivos traderent, aut si id minus præstari posset, obtruncarent, Emanuelem Dracontopulum cum Constantino ejus fratre, defectionum auctores, & quibus salvis, apparebat insulæ statum nunquam in ocio futurum. Cæterum ut Calothesi & Anatholici, qui genus ab antiquis Græciæ Imperatoribus se ducere gloriabantur, exules essent, trigintaque Subritum familiæ illustres Bonifacii oppidum incolerent. Atque ita Cretensium rebus compositis, illi qui oppidum tenebant, quod Nicolai dicitur (erant enim adhuc in Creta Vatazi præsidia) deditionem fecerunt.

1233
De rebus in
Græcia ge-
stis.

Sed jam tempus est, ut ex Cretensibus rebus ad alia trans-eamus, quæ per hæc tempora & in Græciæ continenti, & circa ipsas insulas gesta dicuntur: quæ ut his majora fuere, ita graviolem Venetis curam injecerunt. Nam ex quo novum fœdus, novaque, ut vulgo ferebatur, affinitas Hexagonarum Regis & Joannis Vatazi cognita est, quos rumor erat communi nomine Byzantii Imperium totis viribus oppugnatos: motus ea re Joannes Hierosolymitanus Rex,